

منه لکی در سعادت ایچون مجیدیه
یکرمی غروش حسابله التمش
غروشدر

طشمره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

قانون ایدیلر

آبونه اولمق ایستینلر دائره عدلیه ده
اداره مخصوصه سنه مراجعت
ایتملدر

اعلانانک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

تَبْلِیغَات

انجمن عدلیه دن تنظیم واعطا قلنان اعلامدر :
خزینة جلیله مالیه نك باند رملی غوریل واسیلیادی
ذمتده اولان مطلوبندن طولای بالآخره استحصال
اولنان اعلام منظوقنجه مقدما خزینة مشار الیه نامه
تفویض ایدیلان املاک بر موجب سندات رسمیه
مأمورین مالیه تسلیمی حقنده انجمن عدلیه دن تنظیم
قلنان ۱۸ مارت سنه ۳۲۲ تاریخی مذکره اوزرینه
سبق ایدن تبلیغات جواباً بوکره خداوندکار ولایتی
محکمه استینافیه سی مدعی عمومیلکندن وارد اولوب
اوراق عتیقه سیله برلکده حواله وتودیع قلنان ۱۸ ایلول
سنه ۳۲۲ تاریخی شقه ایله ملفوفی مطالعه اولندی .
مالرینه نظراً ذکر اولنان املاک محلی اجرا
دائرة سنجه خزینة جلیله نامه تفویض اولنهرق سندات
رسمیه سی دخی اعطا ایدیلرلکدن صکره اولباده کی
اعلامک تمیزاً نقض اولنسی سر رشته سیله اصول
وقانونه مخالف اولهرق اعاده اجرایه بالابتدار مدیون
واسیلیادی به تسلیم اولندی کی مرقوم طرفندن دخی
دیگر لرینه ایجار ایدیلرک الیوم بونلر طرفندن اشغال
ایدیلکده اولسندن ناشی امر تسایمک صورت اجراسی
حقنده تردد حاصل اولدیغندن بحثله استفسار کیفیت
اولندی اکلشامشدر .

دوائر اجرائیه جه بالمزایده حاله قطعیه سی اجرا
وسندات رسمیه سی اعطا قلنان املاک معامله
تسلیمیه سی دخی ایفا اولنق مقتضی اولوب شوقدرکه
املاک مذکوریه اشخاص سائر نك مستأجر صقیله
اشغال ایتکده ویدنده بوضورتی ناطق مقاوله نامه
موجود اولوبده اکا استناداً حق اقامتی ادعا ایلکده
بولندی حاله شو ادعاسنک شایان قبول اولدیغنک
تقدیری وعلی الخصوص شومسله ده واقع اولدیغی اوزره
موضوع بحث اولان املاکی مزبور واسیلیادیدن
استیجار ایدیلرک بلدیهدن مصدق اولهرق ابراز
ایدیلکری مقاوله نامه ایله سندات رسمیه سی خزینة نامه

ویرلش اولان املاک مذکور نك صاحب اولی بولنان
مرقوم واسیلیادینک اخیراً بونلری اشخاص سائریه
ایجار خصوصنده کی صفت وصلاحیتک تعیین درجه
حکم وقوتی مأمورین اجرائیه نك وظائف معینه سی
فوقنده اولهرق بوباده استحصال حکمه احتیاج درکار
اولدیغندن خزینة جلیله وکیلنک مستأجر علینده
محکمه عاده سنه بالمراجعه اقامه دعوی ایتسی ومعاملات
اجرائیه نك دخی شو دعوی نتایج حکمیه سی ایجاباته
توفیق اولنسی لازم کله جکندن اکا کوره ایضای
مقتضای خصوصنک جواباً مذکور مدعی عمومیلک
تبلیغی تذکر قلمشدر .

مُحَاكَمَاتُ مَقَرَّرَات

در سعادت جناب محکمه سنه :

بلغارستانه فرار و رازمیک نامنده کی
هذیان نامه یی نشره اجتسار ایتدیکی ادعاسیله
متهم بولنان سیواسلی آرام زرتانیان الده ایدیله -
مامش اولدیغندن تاریخن اعتباراً جانب ریاستدن
کندوسنه مجدداً اون کون مهل اعطا قلمشدر
مهل معین ظرفنده مرقوم محکمه یه کلدیکی
حاله قانونه اطاعت ایتماش نظریله باقیله رق
حقوق مدنیه دن اسقاط قلنه جنی وعلینده
دعوایه قیام اولنه جنی و محاکمه غیاییه سی ائاده
اموالنک حجز آتته آتته جنی و بوضرده برکونه
ادعایه حق اوله میه جنی کی معاملات حجزیه
حقنده دخی مدعی عمومیلک تبلیغات مقتضیه
اجرا ایدیلدیکی جهتله اصول محاکمات جزائیه
قانوننک اوچوز یتش برنجی و اوچوز یتش
ایکنجی ماده لرندن استنباط اولنان احکامه

توفیقاً اشبو قرارنامه بالتنظیم اعلان اولنور .

محکمه تمیز حقوق دائره سندن تنظیم واعطا
قلنان اعلامدر :

ارضرومک جدید محله سنده مقیم اغنام تجارتندن
مدد یونجلق محله سنده مقیم احمد اغار ایله ارضرومک
کثر محله سی اهالیسندن اسماعیل و برادری
احمد اغار بیلرنده متکون دعوایه دائر ارضروم
ولایتی استیناف محکمه سندن ۲۴ حزیران سنه ۳۱۸
تاریخی وبش عددی ایله ویریلان اعلام مرقومان
احمد ومدد اغار طرفلرندن تمیز ایدیلکله اعلام
مذکور طرفینک اعتراض وجواب لایحه لرله بالمطالعه
تدقیقات تمیزیه اجراسنه ابتدار قلندی .

اعلام مذکورک خلاصه مالی مومی الیهما
اسماعیل واحمد اغارک کیه بدلندن مرقومان احمد
ومدد اغار ذمتلرنده اله جقلری اولان مبالغ معلومه نك
تحصیلی حقنده اقامه ایدیلکاری دعوایه دائر ارضروم
استیناف محکمه سندن اخیراً عن الغیاب لاحق اولان
اعلام علینده مرقومان احمد ومدد اغار وکیلی طرفندن
اعتراض علی الحکم عرفخالی اعطا ودعوی حاضر نك
استینافاً رؤیتی اثناسنده مستأنف اسماعیل اغانک
مذکور کیه بدلنی التمش ومدعیلرک شریک لرله وقوع
بولان عقد ثانی یی قبول ایتش اولدیغنه دائر اولباده
مبرز پولیچه ظهرنده کی مهری انکار ایتسی اوزرینه
کیفیت اهل خبریه حواله ایدلش ایسه ده موکلرینک
اول صروده در سعادتده اولملری جهتله انلردن
معلومات المق اوزره محاکمه نك تعلیق لزومی طلب
ودرمیان ایدلیدیکی حاله محکمه جه کندوسی متمرد
عد اولنهرق غیباً دعوی بالرؤیه بلا ثبوت انکارده
اولان کیه بدلنک تحصیلنه قرار ویرلش اولوب
حالبوکه مذکور پولیچه ظهرنده کی مهرک مزبور
اسماعیل اغانک مهری اولدیغنی اثباته موکلری شمیدی
دخی مقتدر اولدقلرینی بالیان مهل طلب ایتسی

اوزرينه محكمه استيفايهجه بتكرار اجرا قلنان محاكمه
وتدقيقات نتيجهسندده مذكور مهرک تطبيق کيفيتي
وقتيه اهل خبريه حواله اولهوق ويريان راپورده
مزبور اسماعيل اغانک اولديني بيلدريش ومؤخرآ
دخى مدعى علميا وکيله اون بش کون دها مدت
ويرلديکي حالده ادعاسى اثبات ايدهمامش اولمسنه
کوره معترض وکيلنک بويابدهکي ادعاسى التفاته شايان
اولديني کي مبلغ مذکورک مزبور اسماعيل اغانک
ذمت محکومسندن طولاي مال صندوقه تسليم
ايدلديکي محاسبه قيوديله ثابت اولديغندن بوجهنک
محاسبه دن صورلمى حقندهکي طلي دخى استيفاده
يکي ردعوى احداني قينلندن اولديني جهته مردود
وحکم غيبي تميزآ وقوعولان نقض اوزرينه نقطه
منقوضدن بدأيله اجرا قلنان محاکمهيه وتدقيقاته
مستدبولنش اولديغه بناء معترضو کيلنک اولبابدهکي
اعتراضاتنک رديله مرقومان احمد واسماعيل اغارک
حصه لرى اولان سکسان بيک قيه کياه بدلى بولنان
اون اوچ بيک غروشک معترضدن تحصيلي حقنده
اعلام معترض بهک تصديقه حکمدن ومستديعلرک
اشبو حکم عليهنده لايحه لرنده محرر اعتراضلرينک
باشلوجهسى کندولرى قيون تجارتيه مشغول اولوب
خصمليرينک تجارت قصديه کندولرينه صادقلرى
کياهک دخى انلرک تفديسي مقصديه اشترا ايدلش
اولسنه کوره ذيل قانون تجارت موجبنجه دعواى
واقعه نك رؤيتى تجارت محکمه سنه عائد ايکن حقوق
محکمه سنجه رؤيت ايدلسى وظيفه خارجنده اولديني
کي خصمليرينک عقد ثاني قبول ايدرک باغ اوزرينه
فروخت ايتدکلرى کياه بدلندن الی بيک اوچيوز
قرو بيش غروشى نقدآ وبيک سکر يوز اون ايکي
غروشى دخى پوليجه ايله مزبور اسماعيل اغانک
قبض ايدرک پوليجه ظهري تخریم ايتديکي اثباته
حاضر اولدقلرى حالده بوجهت حقندهکي طلب
واستدعالرينک رد ايدلسى وبالقرض والتقدير اشبو
دفع مدعاليثي اثبات ايدهمدکلرى تقديرده خصمليرينه
يمن تکليفه حقلى ردکار ايکن بوراسنک دخى نظر
دقته التامنى مغاير قانون اولديغندن بمثلہ اعلامک
نقضى استدعاسندن ولايحه جوابيه مؤداسى دخى
اعتراضات مذکورنک غير وارد اولديني بيانيله
ردى واصل وقانونه موافق اولان اعلام مذکورک
تصديقي استدعاسندن عبارتدر .

اول امرده مستديعلر طرفدن تميزآ درميان
ايديلان وظيفه اعتراضى شايان قبول کوريله ميه رک
رد ايدلکدن صکره اساس ماده نك ايجابي مذاکره
اولدقدده عليهنه اعتراض اولنان اعلام غيابينک عينا

وياخود دعوى وحکم اکلشيله جق صورنده خلاصه
اعلام تميز به درج وتتميق اقتضا ايدرکن ايدلماسى
يولسر اولديني کي معترضلر طرفدن ثبوت مدعا
ضمننده اقامه شهود ايچون ايکنجى دفعه طلب ايديلان
مهلاک محکمه جه اعطاسى لازم کلورکن طلب مذکورک
رد ايدلسى يولسر ومغاير قانون اولديغندن اصول
محاکمه حقوقيه قانونک ايکيوز قرق برنجي مادهسى
موجبنجه اعلام مذکورک تقضيله قانون مزبورک
ايکيوز قرق دردنچي مادهسک فقره اولاسى حکمنه
توفيقاً کيفيتک بروجه مشروح تکرار بالرؤيه اعلامه
ربطى ضمننده محکمه استيفايه اعاده سنه واول و آخر
مستديعلر طرفدن ويريان ايکيوز طقسان بر بيجق
غروشک اعلام خرجى اولان يوز غروشه برابر
ايلروده حقمسر چيقه جق طرفه عائد اولسنه ۲۸
کانون اول سنه ۳۱۸ تاريخنده متفقاً قرار ويرلدى .

فيلورينه قضاسنک لاکن قريهسى اهالي بسندن
متره ولدکله ي قتل ايدلديکي ادعا اولمسنندن دولاي
جنايته اتهام اولنان اطناش ولد ياننک اون بش سنه
مدتله کورکه قولنسنه دائر مناستر ولايتى استيف
محکمه سى جزا دائره سندن اعطا قلنان ۳۰۳ نومرولى
اعلام

حاجي فهيى قتل قصديه جرح ايدلديکي ادعا
اولمسنندن دولاي جنايته اتهام اولنان قهرمان بن
درويشک اوچ سنه مدتله کورکه قولنسنه دائر مناستر
ولايتى استيف محکمه سى جزا دائره سندن اعطا قلنان
۳۳۱ نومرولى اعلام
غلطه ده شرتخانه بالوزنده معونه جى عبد الله
قتل ايدلديکي ادعا اولمسنندن دولاي جنايته اتهام
اولنان ريزملى اسماعيلک اون بش سنه مدتله کورکه
قولنسنه دائر درسعادت جنايت محکمه سندن اعطا قلنان
۸۲ نومرولى اعلام

اسکدارلى على بى جرح ايله کوزني رؤيتندن
محرورم ايدلديکي ادعا اولمسنندن دولاي جنايته اتهام
اولنان طلومه جى عزتک اوچ سنه مدتله کورکه
قولنسنه دائر درسعادت جنايت محکمه سندن اعطا قلنان
۸۳ نومرولى اعلام

خضر الياسک کيفيت قتلندن دولاي جنايته اتهام
اولنان حلو بن حسنک حين اياع جرمده اون درت
ياشنده بولمسنندن ناشى قرقچي ماده قانونيه توفيقاً
بش سنه مدتله حبسنه وبش سنه ضبطيه نظارتى
آلتنده بولنديرلسنه دائر موصل ولايتى استيف
محکمه سى جزا دائره سندن ايکنجى دفعه اولهوق
ويريلان ۱۱۱ نومرولى اعلام

خليل وسلامه نك البسه وتقود واسلحه سى غصب
ايدلديکي ادعا اولمسنندن دولاي جنايته اتهام اولنان
سلامه بن قاسمک اوچ سنه مدتله کورکه قولنسنه دائر
حوران سنجاني بدايت محکمه سى جزا دائره سندن
ويريلان ۴۱ نومرولى اعلام

باقى اوغلى منلا حسنک ماده قتلندن دولاي
جنايته اتهام اولنان قاضى اوغلى طورسونک اون بش
ومرقومه معاونت ايدن مقتولک زوجهمى ميسونه نك
التي سنه مدتله کورکه قولنرينه دائر کوشخانه
سنجاني بدايت محکمه سى جزا دائره سندن ويريان
۱ نومرولى اعلام

سلانکيده چاقا قيقار موقعنده بقال ياقو ولد
مانولک ليلا دکانى طواخى دلك صورتيله سرقة
تصدى ايدلديکي ادعا اولمسنندن دولاي جنايته اتهام
اولنان ياقو ولد ميشون قاجينک اوچ سنه مدتله
کورکه قولنسنه دائر سلانک ولايتى استيف محکمه سى
جزا دائره سندن اعطا قلنان ۱۰۴ نومرولى اعلام
محکمه تميز جزا دائره سنجه تصديق قلمشدر .

۵۴۰ نومرولى نسخه ده مندرج درسعادت جنايت محکمه سى اعلامک بقيه سى :

ادعا شهودندن نشئتک قهوه خانه دن چيقديني
عثمان طرفندن بيان ومرقومک بحريه حاده خانه
جرخجى صنفه قيد اولديني دخى سامعين مياننده
بولنان وقدرغده ساکن اولوب نخلبنده قهوه جى
بولنان کامل اغا جانبدن اتيان قلمغله مرقومک
تکرار جايي ضمننده محاکمه يوم اخره تعليق قلدني
طرفينه اکاديلهوق سنه مرقومه ايلونک يکرمى
التجى کونى مته مرقوم على الاصول توقيف خانه دن
کتورديله رک وکيل ومعاون مومى اليهما حاضر اولدقلرى
حالده محاکمه علينه ووجاهيه مداومت اولدى .

ادعا شهودندن اون يدى ياشنده قهوه جى چراغى
استانه لى نشئتک حاده خانه ده بولنديني ليمان قوماندانلغندن
مورود ذيل جوابيدن اکلاشلغله وديکر بر محله ده
بولديغه دائره سررشته الهامقله معاون مومى اليهاک
طلي وجهله افاده مضبوطه سنک قرائتى قرارکير
اولهوق اوقوتد يرلدقدده وقع کيجهمى داود وقوطوجى
مصطفى ايله مقتول مصطفى قهوه خانه ده اوطوروب
مداح يادوس اولدقدن صکره کيتدکلرى وکندوسى
دخى ياتوب برمدت مرورنده بر کورائى ايشتمکله
قالقوب باقدينغه شرتجى مصطفى مجروح کوردکيکي
وقط اوريلورکن کورمديکيکي سويلديکي اکلاشلغله
نه ديه جکي متهمدن صورلدقدده سکوتدن بشقه جواب
الهمدى .

عدليه تقريرى دخى شهادات واقعه يى مؤيد
کورنمسنه وطيب راپورنده ده مقتول شرتجى
مصطفانک الت قاطعه ايله حاصل صول فخذى ثلث
علوى ووحشيسنده اوچ ساتنمترو طولنده عمقى
عضلات درونه قدر برعدد جرحه کوريلوب بوجرحه
نتيجه سى اولهوق اثنان عقيدندن وفات ايدلديکي ازيار
قلمسنه ومدافعاه نقل کلام اولدقدده مقتولک مته
قوطوجى مصطفانک مواجهه سنده بى قوطوجى
مصطفى اوردى ديه رک فاعلى تعين ايتسى واورصده ده
مته ايله مقتولک متفقاً اياقده طورمى ومتهمک
مقتولى طائيديني سويلديکي حالده دائماً محاطله ايدر
اولدقلرينک وليله وقعه ده دخى برابر بولندقلرينک
جمله شهاداتدن بولنسى قريسته قاطعه تشکيل وشاهدلردن
عادل افدينک اچقه کيفيتى خبر ويرمسنک برغرض
ذاتيه حل ايدلسى مشعر سبب اولديغندن اخبارى
تنوير دليل ايتسنه وحکامک برجرى يالکرشاهدلرک
رأى العين کورميسله حکم الله المسى ايجاب ايتيوب
اخبارات وتحقيقاتدن حاصل اوله جق وتأمين وجدان
ايدجک براهن ايله دخى حکم ويرمى موافق
اصول وجرمک نشئت چوجغه تسلطدن متولد
اولديني يته مقتولک افاده سيله درجه ثبوته موصول
اولسنه مئى متهمک انکار وتاويللاق واسباب
مشروحه يه قارشو وکيلنک بالجله مدافعانى شايان
قبول کوريله مامکله مته قوطوجى مصطفانک ۳۲۲
سنه سى حزراننک يکرمى سکرنجى چهارشنبه
کيجهمى ساعت بش راده لرنده قدرغده اسعد
پهلوانک قهوه خانه سنده شرتجى مصطفى بالتهور
جرح وقتل ايدلديکي تين ايدلديکندن اولوجله مجرميته
وجاهاً ومتفقاً قرار ويريله رک محاکمه اوطه سنه عودتله
قرار مذکور علناً قرائت وبیان اولدقدده معاون مومى
اليه مجرم مصطفانک قانون جزانک يوز تيش دردنجي
مادهسک فقره اولاسه توفيقاً تحديد جزاسنى طلب
وادعا ووکيل مومى اليه ايله مجرم مصطفانک بشقه
ديه جکلرى اولديني افاده وانبا ايتلريله بوجهت
محاکمه نك دخى اختتامى افهام اولهوق تکرار مذاکره
اوطه سنه کيدلدى .

تعيين جزا خصوصيه مذاکره اولدقدده مجرم
مصطفانک حرکتى قانون هايون جزانک يوز تيش
دردنجي مادهسک فقره اولاسه موافق وفقره
مذکور برکيسنه من غير تعمد برشخصى اتلاف
ايتش ايسه اون بش سنه مدتله کورکه وضع اولور
عباره سنى ناطق اولديغندن ماده مذکور حکمه توفيقاً
وابتداى توفيقى اولان ۳۳۴ سنه سى جاذى الاولاسنک
يکرمى دردنجي کونندن اعتباراً اون بش سنه مدتله

کورکه قولنسنه ومصارف محاکمه اولان جمعاً يوزاللى
غروشک دخى کندوسندن بالتحصيل تسليم وزنه
ايتدريسنه ۳۲۲ سنه سى ايلونک يکرمى التجى کونى
کذلک وجاهاً ومتفقاً قرار ويريله رک اصول تفهيمى
ايضا قلندى .

حسين حسنى افندى ايله حيله واطفيه وبيکناز
خانلرک کامل اغايه ناموسه طوقور سوز سويلدکلرى
ثابت اولدمديغندن برائتارينه
قسطنطينى ضرب ايدلديکي شهادتله تين ايدن بشکيرجى
زقاعنده ساکن يونانلى سيدريدن برالتون اخذيله
مضروب مرقومه اعطاسه
محله اره سنده طابنجي آتديني ثابت اولان التجى
دائره بلديه کتبه سندن توفيق افدينک اوچ کون
حبسيله برابر کندوسندن بش بشک جزاى نقدى
اخذينه
اوريق قادينه ناموسه طوقور سوز سويلديکي
تين ايدن مجارده ساکن افيدکن يارم ليلا جزاى
نقدى اخذينه
عربهمى اقرباسى ضرب ايدن يونانلى طاشجى
استراطين ايکي التون اخذيله مضروبه اعطاسه
نازک قادى ضرب ايدن قوجى محمدن برالتون
النوب مضروبه اعطاسه
النسطاشيه يى ضرب ايدلکلرى تين ايدن پاپاس
کوريلسنده ساکن ليمونيا ايله التيدن برالتون النوب
مضروبه يى ويرلسه
مانوله عائد بر سندنى بالتحريف ساخته کارلق
ايتديکي ثابت اولان بک اوغلنده برمق قبوده ساکن
يونانلى يورکينک برسنه مدتله حبسنه
تبعه يونانيه دن مطيعه جى بالامارى افدينک بلا
رخصت رسميه اوراق طبع ايدلديکي ثابت اولديغندن
يدى عثمانلى التونى جزاى نقدى اخذينه
پوليس حسن بصرى افدينک اورامى جرح
ايدلديکي ثابت اولديغندن يکرمى کون مدتله حبسنه
يکديکرينى ضرب ايدن قره کمرکده ساکن
ادريسک برهفته حبسنه والتى دن دخى برالتون النوب
مرقوم ادريسه اعطاسه
قپان دقيقه ده ساکن حکمت ايله ابراهيمک شوقينک
ماله ايراک خسار ايله برابر ضرب وجرح ايدلکلرى
ثابت اولديغندن برهفته مدتله حبسليرينه و بررالتون
النوب مضروبه اعطاسه ويدل خسار اولمق اوزره
اوتوز غروشک بالتحصيل مرقوم شوقيه ويرلسه
احمدى ضرب ايدن اسپرودن برالتون النوب
مضروبه ويرلسه

هايقانوشى ضرب و جرح ايدن خريسونك
برهفته حبسه

نظرتى ضرب و جرح ايدن مصطفىانك اون بش
كون حبسه

يرواتى ضرب ايدن عمرياله ابراهيمك برهفته
حبسلرينه

استينهده ساكن رنجبر مصطفى ايله نقاش فيضينك
يكديكرينى ضرب ايلديكلرى تبين ايتكله برهفته
مدتله حبسلرينه

اننا قادينك حق دخوللرى اولديغى حالده اوطة-
سنة كيردكلرى تبين ايدن بوغاز كسانده ساكن محمد
ايله عثمانك يكرمى دردر ساعت حبسلرياله برابرليشر
بشلك جزاى تقدى اخذينه

طمطم محله سنده ساكن محمد اغانك اوطة سنده ليللا
سرقت قصديله دخول ايدوب انجق اسباب مانعه
حيلولتيله ماده سرقى فعله چيقارمهديغى تبين ايدن يكي
چارشوده ساكن خريستونك التى آى مدتله حبسه
شعبانى جرح ايدن اسماعيلك اون بش كون حبسه
درساعات ، بك اوغلى واسكدار بدايت محاكمى جزا
دائرة لنجه قرار و يرلشد .

مُعَامَلَاتُ اِنْدِيَا هِيَّة

عيتاب قضاسى بدايت محكمه سى اعضاسندن اولوب
مستنطقك وظيفه سنى ايفايدين مصطفى ومستنطق معاونى
ديكر مصطفى افنديلرك وظيفه قانونيه لرينى سوء استعمال
ايلديكلرى حاب ولايتى استيناف محكمه سى مدعى عموم-
ميلكندن وارد اولان اوراق تحقيقه مندرجاتندن اكلا-
شلمسى اوزرينه معاون مومى اليه حقنده توحيداً اجراى
تحقيقات اولمق اوزره مستنطق مومى اليهك محاكمه
آلته آلمسنة عدليه نظارت جايله سندن مأذونيت
ويريلهرك مذكور مدعى عموميلهك تبليغات مقتضيه ايفا
قلمشدر .

اِخْلَانَات

فارت مريمه محكمه سنده :

بك اوغلنده فيروزاغاده ساكن ايكن تجارت بحريه
محكمه سندن افلاسنه حكم اولنش اولان مانيفاطوره
تجارندن احمدزاده عبداللطيف افندى ذمتنده الهجغى
اثبات ويا موقتاً قبول وقيد ايتديرمش اولان الهجقلولرك
قانوننامه تجارتك ۲۱۱ نجى و آنى ولى ايدن ماده سى
موجبجه مفاس طرفندن تكليف اولنه جق

قونقورداتونك مذاكره سى ايچون ۳۲۲ سنه سى
كانون ثانى سنك اونجى چهارشنبه كونى محكمه
مذكوره نك مصالح افلاسيه رؤيته مخصوص اوطة سنده
كللى اعلان اولنور .

ايلكى محكمه تجارنده :

درساعاتده محمد پاشا خاننده مقيم قوميسيونجى
سينه كريم قره ليلانك ۳ كانون ثانى سنه ۳۲۲ تاريخندن
اعتباراً اعلان افلاسنه و مصالح افلاسيه نك رؤيت
وتسويه سى ضمننده اعضاي محكمه دن سعادتلو رضا
بكك ژور قوميسر ودعوى وكيللرندن قره بت آيحيان
افندينك موقت سنديك تعيينلرينه و مغازه سنده موجود
امتع تجاريه سيله اشياى زائده بينيه سنك تمهيريته
واوراق و دفاترينك جلبه و كفالت مصدقه اراءه
ايدمديكى تقديرده حبس وتوقيفه وبوبادهكى قرارك
موقه اجرا سنده ايكنجى تجارت محكمه سندن قرار
ويرلمش اولديغندن قانوننامه تجارتك ۱۷۰ نجى ماده سى
موجبجه دائمى سنديكلر انتخاب اولمق اوزره (۱۷)
كانون ثانى سنه ۳۲۲) چهارشنبه كونى ساعت يدى
راده لرنده احجاب مطلوبك محكمه مذكور نك مصالح
افلاسيه رؤيته مخصوص اوطة سنده كللى اعلان
اولنور .

محكمه تجارت امراء داوره سنده :

يونان دولتى تبعه سندن نيقولاولد يوركينك
قسطنطى پادوپولو ذمتنده برنجى محكمه تجارت
اعلاميله محكوم به اولان الهجغىك تسويه سى ايچون
طااولوده آراه ميدانى زقاغنده درت نومرو ايله
مرقم يدى اوطة واوچ صوفه وبرمطبخ وبرقيسو
وصهرنج و على التخمين اوچيوز اللى ذراع مقدارى
باغچه وباغچه دروننده بر مخزن ومشمولات سائره يى
حاوى اولوب مديون مرقومك متصرف اولديغى بر باب
خانه اشبو كانون ثانى رومينك التنجى ججعايرتسى
كونندن اعتباراً اون بش كون صكره موقه مزايديه
قونيله جغندن اشتراسنه طالب اولانلرك وبوندى زياده
معلومات المقي استينلرك محكمه تجارت اجرا دائره سنده
مراجعت ايللى اعلان اولنور .

درساعات امور مات نظامه امراء داوره سنده :

اوقاف هايون نظارت جايله سندن دوراً ماليه
نظارت جايله سنك قدرى بك ذمتنده محكوم به الهجغى
اولان مبالغك تأمين استيفاسى ضمننده مومى اليهك
عهده تصرفنده بولنان اسكدارده حاجه حسنا خاتون
محله سنده پاشا ليمانى جاده سنده كائن يوز اون سكز

نومرو ايله مرقم دروننده برقيويى حاضى يدييوز سكرسان
طقوز ذراع برقطعه ساحلخانه عرصه سنك درت
حصه اعتباريله ايكي حصه سى بالمزايده بهر ذراعى اون
بشر غروش حسابيله بشليك طقوز يوز اون يدى
بحق غروشده طالبى عهده سنده تقرر ايدرك موقه
قرارداده سى كشيدنه قلمش اولديغندن يوزده بش
ضم ايله طالب اولانلرك تاريخ اعلاندى اعتباراً نهايت
اوتوز بركون ظرفنده درساعات اعلامات نظاميه
اجرا دائره سنده مراجعت ايللى اعلان اولنور .

ام كلثوم خانم وسائر نك صندوقى كيغورق
قاجيان اغا ذمتنده الهجغى اولان مبالغ معلومه نك
تأمين استيفاسيچون مرقومك مالى اولوب حيز آلته
النان تمام و ناتمام افيون وشكر صندوقارى و چيوى
وتنكه ورنده وكسر وسائر ايله برطاقم صندوق
تحتلرينك تاريخ اعلاندى اعتباراً اوچ كون صكره
يعنى شهر حال رومينك سكزنجى بازار ايرتسى كونى
ساعت بش راده لرنده رضا پاشا خاننده بالمزايده
فروخته تشبث اولنه جغندن طالب اولانلرك يوم
مذكورده حاضر بولملى درساعات اعلامات نظاميه
اجرا دائره سندن اعلان اولنور .

ساعتجى اغوب رئيسيانك با اعلام نظامى خپار سوم
اتمكجيان ايله بونلرك كفيللرى بولنان اوغللى و ورتيك
ومهران ذمتلرنده الهجغى اولان مبالغه مقابل حكماً محجوز
اولوب مرقوم و ورتيك ومهرانك والدلرندن انتقالاً
متصرف اولدقلى بشكطاشده يكي محله ده شربخانه
زقاغنده واقع تخميناً يوز يكرمى آرشون عرصه
اوزرينه مبنى اوچ قاتدن عبارت ايكي قات اوله رق
يدى اوطة وبرمطبخ وبرصهرنج وقيويى وتخميناً يوز
بش آرشون باغچه يى حاوى شهرى اوچ ايرا ايچار
كتورر يكرمى يدى نومرولو بر باب خانه نك نصف
حصه سى ليراي عثمانى يوز غروش حسابيله اون ايكي
بيك ومذكور خانه نك اتصالنده واقع تخميناً يوز
اوتوز سكز بحق آرشوندى عبارت يكرمى بش
نومرولو عرصه نك دخی نصف حصه سى ايكي بيك
بش بشيوز غروشده طالبى عهده سنده تقرر ايدرك
موقه قرار داده سى كشيدنه قلمش اولديغندن سا-
لف الذكر نصف خانه ايله نصف عرصه يه يوزده بش
ضم ايله طالب اولانلرك تاريخ اعلاندى اعتباراً نهايت
اوتوز بركون ظرفنده درساعات اعلامات نظاميه
اجرا دائره سنده مراجعت ايللى اعلان اولنور .